

৪

বিপদে মোরে রক্ষা কর,  
এ নহে মোর প্রার্থনা,  
বিপদে আমি না যেন করি ভয় ।

দুঃখ-তাপে ব্যথিত চিতে  
নাই বা দিলে সাহুনা,  
দুঃখে যেন করিতে পারি জয় ।

সহায় মোর না যদি জুটে  
নিজের বল না যেন টুটে,  
সংসারেতে ঘটিলে ক্ষতি  
লভিলে শুধু বঞ্চনা  
নিজের মনে না যেন মানি ক্ষয় ।

## গীতাঞ্জলি

আমারে তুমি করিবে ত্রাণ  
এ নহে মোর প্রার্থনা,  
তরিতে পারি শক্তি যেন রয় ।  
আমার ভার লাঘব করি'  
নাই বা দিলে সান্দ্রনা,  
বহিতে পারি এমনি যেন হয় ।

নম্র শিরে স্তথের দিনে  
তোমারি মুখ লইব চিনে,  
দুখের রাতে নিখিল ধরা  
যে দিন করে বঞ্চনা  
তোমারে যেন না করি সংশয় ॥

১৩১৩ ।